

Broj: 105-7148/21 DžS
Zenica, 07.06.2021. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-7146-1/21DžS od 07.06.2021. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU o izboru najpovoljnijeg ponuđača

I
Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-7146/21DžS od 07.06.2021. godine u postupku dodjele ugovora za nabavku usluga hostinga i prihvata se preporuka Komisije za nabavke da se okvirni sporazum zaključi sa ponuđačem:

TEAM Consulting d.o.o. Sarajevo

kao najbolje ocijenjenom ponuđaču, prema ponudi protokolisanom pod brojem: 501-6846/21 od 31.05.2021. godine, za ponuđenu cijenu od 6.840,00 KM, bez uračunatog PDV-a.

II

Prijedlog ugovora dostavit će se na potpis izabranom ponuđaču TEAM Consulting d.o.o. Sarajevo, u skladu sa članom 98. Zakona o javnim nabavkama.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-5832/21 BS od 18.05.2021.godine. Javna nabavka je provedena putem konkurentskog zahtjeva sa zaključivanjem okvirnog sporazuma.

Procijenjena vrijednost javne nabavke bez uračunatog PDV-a je 7.200,00 KM.

Dana 18.05.2021.godine na Portalu javnih nabavki, istovremeno sa objavljivanjem Obavještenja o nabavci broj: 439-7-2-199-3-54/21 objavljena je i tenderska dokumentacija.

Poziv za preuzimanje tenderske dokumentacije broj: 406-5832-2/21 BS od 18.05.2021. godine upućen je sljedećim ponuđačima:

1. Leftor d.o.o. Tuzla
2. QSS d.o.o. Sarajevo
3. Logosoft d.o.o. Sarajevo
4. Eurobrand d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 03.06.2021. godine u 14:43 sati.

Rok za dostavljanje ponuda je bio 31.05.2021. godine do 11:00 sati.

U prethodno navedenom roku, na protokolu Javnog preduzeća „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. TEAM Consulting d.o.o. Sarajevo
2. Balance d.o.o. Zenica

Komisija za nabavku imenovana je Odlukom broj: 105-4232/21 BS od 30.03.2021.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno 12 (dvanaest) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 07.06.2021. godine direktoru preduzeća dostavila Zapisnik o ocjeni ponuda broj: 501-7146/21 DžS od 07.06.2021. godine sa preporukom o izboru najpovoljnijeg ponuđača za nabavku usluga hostinga.

Uvidom u priloženu dokumentaciju konkurentskog zahtjeva broj: 406-5832-1/21 BS od 18.05.2021. godine – Nabavka usluga hostinga, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena ponude bilo kojeg ponuđača neprirodno niska.

Ponuđač Balance d.o.o. Zenica je dostavio ponudu čiji listovi su samo spojeni spajalicom, tj. ponuda nije uvezana na način koji je detaljno preciziran tačkom 4.2.tenderske dokumentacije. Iz gore navedenih razloga ponuda ponuđača Balance d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač TEAM Consulting d.o.o. Sarajevo je dostavio formalno – pravno ispravnu i tehnički prihvatljivu ponudu koja kao takva može biti predmet ocjenjivanja.

Ugovorni organ je na zahjev Komisije za nabavke, broj: 501-6857-1/21 od 01.06.2021.godine za stručnu ocjenu ponuda anagžovao Sanida Muhića, zaposlenog na mjestu višeg stručnog saradnika za informaciono-tehničke i komunikacione sisteme.

Stručni saradnik je izvršio pregled ponuda te se u pogledu formalno-pravno ispravne ponude ponuđača TEAM Consulting d.o.o. Sarajevo izjasnio da predmetna ponuda zadovoljava tražene karakteristike.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. TEAM Consulting d.o.o. Sarajevo, sa ukupnom cijenom ponude u iznosu od 6.840,00 KM bez PDV-a,

te dala preporuku da se okvirni sporazum zaključi sa najuspješnijim ponuđačem TEAM Consulting d.o.o. Sarajevo.

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku usluga hostinga dao ponuđač TEAM Consulting d.o.o. Sarajevo, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka Direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



DIREKTOR:

Pašalić Emir
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Sanid Muhić, IT sektor
- 3 x Članovima Komisije
- 1 x Sekretar Komisije